



NTI-kut Avaliinqaqnigni Ihuaqtinik Havaaq – Apiqtauqataqtut (FAQ-guyut)

Hivunihijutit

Nunavut Tunngavik Timiuyuq (NTI) ikayuqtuiyut Inuinaqnik aaniarutiqaqitqut QALAKYUAQNIQ-19-mit, avaliingaariaqatut 14-ni ubluni aktuqtaunignit nalunaiyaqnganit Nunavumilu nunagiyauyumiitut aaniarutiqaqtunik QALAKYUAQNIQ-19-mit. Atutiaruaqatavut inuit aaniagitaagani ihuaqtauyut iliyayut Nunavumi Ataniluamit Aaniaqtuliqinikut (CPHO) ilaqaqtumik tamaita iglumiuyut avaliingaariami aktuqtauniginin naunaiyainiqmit atuqhimayunik aaniarutinik QALAKYUAQNIQ-19-mit.

Avaliingariami Ihuaqtuti ikayuutauyukhat Nunavumi Inuinaqnik agiraumayaagani. Hunaqaqnginik ukua ihuaqtutit pijutiqaqtut hivunihijutinik pipkagauyunik NTI-kunit ihuaqhaqtauniaqulu atuqlugit nirijutiini ihariagiainik, qafiuniginik iniqniuyut nutaqalu iglumiuaqtiriit nutaranuavlu naunaitunik ihariagiainik.

Nunagiyauyuni nalunaiqtayunik aaniarutiqaqnginik, avaliingariami ihuaqtinik tuukhiqtuutit sainiriaqagitut munaqhinit. Tamaita aalat Nunavumi nunaqtiriit Inuulu inuuyut ahiani Nunavumi Nunaqaaqviuyumi piyariaqatut sainiutaanik munaqhip. Hunaliqaa hivunihijut pipkagauyuq angiagiyauniaqtuq. Avaliingaariami Ihuaqtauyumik havaaq manikhaqhimaitumik havauhiyuq. NTI-kut Avaliingaariami Ihuaqunmik Havaaq ihuaqhaqhimayaa Kavamat Kanatami Nunaqaqaqtunik Nunagiyauyumi Ikayutikhanik Manikhaqvikmit.

Atuqpagiagani angiagiyauniq, ihuaqtikhanik tuniuhaiyit ikayuutilu tuniyaulimaitut una aktuqtauhimayuuq inuk titiraqaqtaunagut avaliingariami ihuaqtinik tuukhiqtuutimik titiraakhamik. Tuukhiqtuut titiraakhaq titiraqtaulaaqtuq iniqtiqluguluniit qaritauyami uvani <https://covid19.tunngavik.com/nti-isolation-kit-form/> -mi.

Hivunihivaalirumaguvit **NTI-kut Avaliingariami Ihuaqtinik Havaamik, hivayajavutit akiitumut 1-888-924-3757-mik** qaritauyakuluniit titiqijutigut COVID-19@tunngavik.com -mut qungiakhamuluniit qungiakhamit <https://covid19.tunngavik.com> -mi.

Apiqtauqataqtut

1. Kina pilaaga Avaliingariami Ihuaqtinik?

Avaliingariami Ihuaqtutit ikayuutaunahuat Nunavumi Inuinaqni aimayaagani. Ilaulaqtutit tuukhiraqni aaniarutiqaqiruvit QALAKYUAQNIQ-19-mik, avaliingariaqaruvilu 14-ni ubluni pijutauniganit aktuqtauyut naunaiyaqngininit, atuqtunik QALAKYUAQNIQ-19-mit aaniarutinik, nunagiyauyumiitkuvilu piqaqtunik QALAKYUAQNIQ-19-mik aaniarutinik.

2. Qanuq tuukhilaqiq NTI-kut Avaliingaariami Ihuaqtaanik?

NTI-kut Avaliingariami Ihuaqtinik tuukhiqtuutimik makpiraamik titiraqtaulaaqtut iniqtiqtaulunilu qaritauyami uvani : <https://covid19.tunngavik.com/nti-isolation-kit-form/> -mi.

Tunijavatit iniqhimayut titiraakhatit uvuga COVID-19@tunngavik.com -mut. Una kayumikniqhauyuq tuukhiraami NTI-kut Avaliingaariami Ihuaqtinik. Havaktiqaqtugut tamaini pigahuni nunani naunaiyaiyunik uumiga qaritauyami turaaqtaqvikmik, piyavagiagani tuukhiqtuutit kiuvakhtutilu apiqtauyut. Ukua tuniqhimayut havaktit havaktut unugaagat Salutimilu havaknaitilugu.

Ayuqharuvit aturiaqni qaritauyamik, uqaqatiqaqnahujavutit ilanariyaqnik qitungariyatiluniit qaritauyami ikayuutikhamik; hivayalaaqtuliluniit akiitumik uvuga 1-888-924-3757-mut akhuuqniaqugut ikayuriaqni. Inuit atuqtakhaqagitut qaritauyamik iniqtirilaagtut titiqanik hivayautikut NTI-kulu havaktiunik ikayuqtiqaqlutik Inuinaqtut Qavlunaatuluniit. Una hivayaut kiuyauvaktut Kagiqliqnikmi havaknaqtilugu ikaaqnigini.

3. Sainiriaqaqigu titiraakhaq?

Avaliingaruvit agilrariyaqni aturiamilu titiraqtitaunmik ayuqharuvit, sainiriaqaqituq. Titirajavat atiriyat sainiqvikhami qiyuqutinuami.

4. Kinaliqaa iglumiuaqtiga pihimahimayuq Avaliingaariami Ihuaqunmik, Tuukhilaqaq?

Avaliingaariami Ihuaqutit ikayuutaunahuaqtut tamaita iglumiuyunik tuukhiqtuutauyuquqlu titiraq tuukhiqtuq hivuniqhijutikhanik tamainik iglumiuyunik. Inuk iglumiuaqtikni tuukhiqtaaqhimaliqat Avaliingaariami Ihuaqunmik ilua kiguliqni malruuk saniunikni, ilaulimagitutit uukturiaqni. Kihiani, avaliingaartut avatpata 14-nik ublunik, iglumiuaqtigiyatit tuukhifaalaaqtut ukuniga.

5. Iglumiuaqtigka pihimayut Avaliingaariami Ihuaqutimik aipaagani avaliingaquyauqta. Avaliingaquyaulirivugut; tuukhilaqita aalamik Avaliingaariami Ihuaqunmik?

Inuit avaliingaquyauyuq, piquyainik CPHO-guyup, qaganuaq aulqhimayut ahianit ukiuqtaqtumit qaniklihimanirumikluniit kinamikliqaa aaniarutiqaqtumik QALAKYUAQNIQ-19-mit ilaulaaqtut tuukhiriagani NTI-kut avaliingaariami ihuaqutimik. Pihimataqniruvit avaliingaariami ihuaqunmik, ilaulaarunaqhivutit uuktufaariaqni uqautiyauniruvit avaliingaafaariaqni ihariatiliruviluniit ihuaqutikhanik ila niqiniklu. Ihuaqutit nakuuyukhaugaluit malruukni saniunikni talva nutaat tuukhiqtuutit (atautimi iglumiuaqtiriini) ihumagiyauniaqtut malruunik saniunikni talvatuq.

Ilaupkajavatit tamaita ilauyut iglumiuaqtikni tuukhiqtuutikni ilituqhaiyaaptikni ihariagiyaayunik atuniitulu avaliingaariami ihuaqutaayut atiniitut.

6. Huna ilauvat Avaliingaariami Ihuaqutimi?

NTI-kut Avaliingaariami Ihuaqutit piqaqtut atuqniqaqtunik inuknut, ahiinilu atautimi iglumiuyunik. Ilaqaqniaqtuq niqinik halimaqtirutinik piqutinik atuqtakhainik tamaita inuit iglumiuaqtikni. Nutaranuaqaqata iglumiuyut, ilaqaqniaqtuqlu aturiaqaqtunik nutaranuit pikhainik makaknik, halumaqtirutinik, maamaktakhaniklu ituknik.

7. Higajat ilauvat Avaliingaariami Ihuaqutimi?

Higaayuktuqaqat iglumiuaqtikni, Avaliingaariami Ihuaqutit ilaqalaaqtut tipaakunik hanahimayunik.

NTI-kut akhuuqhaiyut Inuinaqnik higaaruriagani. Kihiani, taimaariami anilimagitilugit ayuqnaqniarunaqhiyuq ihumaluknaqniqmit tuningunaqniqmiluniit. Ikayuqtuiyumayugut Inuinaqnik agilraumayaagani malruukni saniunikni amigaigitaagani hiamayakniga Qalakyuaqniup. Taimainiganit, NTI-kut Avaliingaariami Ihuaqutit ilaqalaaqtut tipaakunik hanahimayunik, titiraqtauhimakpata tuukhiqtuutimi titiqami.

8. Qanuq piniagitigu Avaliingaariami Ihuaqutit?

Tuukhiqtuutit tuniyauhimaliqat tamaitalu aturiaqaqtut hivuniqhijutit, NTI-kut ihivriunuaqaa tuukhiqtuutit pijutauniganilu kitu nunagiyauyuq inuuvigiyat, ihuaqhajavut nunagiyauyumi Ukiuqtaqtumi Kuapatkut Kapaniluniit Niuviqvia ihuaqhariagani Avaliingaariaqni Ihuaqutit aktuqnikhimagilutik akyaqtauyaagani.

NTI-kut Avaliingaariami Ihuaqutimik tuukhiqtuut makpiraaq piyumayuq agirutigiyaqnik takuupkariagani turaaqtaqvigiyat akyaqtauyaagani Ihuaqutikhatit.

NTI-kut Avaliingariami Ihuaqutait ihumaknik atuinarialik havaaq Nunavumi Inuinaqnit tamaitalu hivunihijutit pipkaqtatit angiagiyauniaqtut uqautaulimagitulu aalanut inuknut timiuyunuluniit agiqhimaginiruvit.

9. Tunihimayara tuukhiqtuutiga avatqutuq atauhiq saniuniqmi tuhaqhimagitugalu, qanuriligami?

NTI-kut kiujutaanik pivikhaqaqnit, ihuaqutit ikayuutilu kiguvalaaqtut pijutaunigani amigaiqpalianiganit QALAKYUAQNIQ-19-mit aaniaqtut Nunavumi, nunagiyauyuni niuvikviit akkaumanigit ikaaqniqni aktuqnginilu hilap ahiilu havaaguyut Nunavumi ihuaqutinik akyaqtit. Havaqatigiyavut akhuuqhuta ikayuqtivulu ilauyulu akyariagani Avaliingaariami Ihuaqutinik ukunuga pilaaqtunut. NTI-kut ihuakhaqniaqait tuukhiqtuutit kiguliriiklugit piyauvalianiginit.

10. Pihimayuga katitiqhimayunik niqikhani / niqikhautikhamnkluniit niuviqvikmit Nunami Inuit Katimayiinit. Una ajikutarivauk Avaliingaariami Ihuaqutit?

NTI-kut Nunanilu Inuit Katimayiit havaqatiriiktut QALAKYUAQNIQ-19-mik upijutinik akhuurutini.

NTI-kut qauyimayut aalatqiinik niqikhaqatiariagani hulijutinik pipkagaayunik Nunani Inuit Katimayiinit aalagayunik NTI-kut Avaliingaariami Ihuaqutinik Havaamit munariyauvlutiklu ukunanga Nunani Inuit Katimayiinit. NTI-kut Avaliingaariami Ihuaqutinik Havaaq munariyauyuq NTI-kunit inmiknit.

11. NTI-kut qaritauyalijjutaa ihuiqa?

Imanaq. NTI-kut titiqijutaa qaritauyami ihuigituq.

Qaguguraagat, NTI-kut nunami qaritauyalijjutait hivigitunik atulaiqpaktut. Taimaiqataqtuq, una nutaaguqtirijutaukmat ihuaqutiptiknik atuqhimaariagani, atuqpaktuq ahiani havaknaqnitmit ikaaqniqni hivigituuvlunilu. Ahiini, pijutauyuq hivituyumik alruyaqtuutit qaminigininit ahiiniluniit ihumagiyaugitunik qanuriligininit. Kihiani, titiqijutivut ihuaqhihimainaqtati kivgaqtuqtipta pinariqtauniaqulu nunami havaqatiriigutit ihuaqhikpata.

12. Huuq titiqijutiga pipkaqtitaugitpa?

Atuliqmat March 2020-mi, titiqilviup turaaqtaqvaa atuqtauyuuq Avaliingaariami Ihuaqutinik unauyuq COVID-19@tunngavik.com.

Piqaqtuq imaitunugamik (-) titiqijutimi turaaqtaqviani. Takuuphaupqaliqpaktut. Iituriyugut ilagit inuit uniuqhivakmata titiqijutimi turaaqtaqviani uumiga tuukhiraagamik Avaliingaariami Ihuaqutinik. Taja, ilagiaqtaqut atulaktumik titiqilvikhamik talva pivaktugut titiqijutinik uvanga covid-19@tunngavik.com -mit covid19@tunngavik.com -milu.

13. Ukua ihuaqutit qahakpat Inuinaqnut talvatuq?

Kinaliqaa Nunavumi Inuinaq ilauhimayut Nunavumi Agiqatiriigunmi ilaulaaqtuq tuukhiamini Avaliingaariami Ihuaqutinik kivgaqtuqlugit iglumiugatiyani.